

欽定四庫全書

子部

普濟方卷一百八十八



北京中醫藥大學圖書館版權所

欽定四庫全書

普濟方卷一百八十八

明

周王朱橚撰

諸血門

總論

夫人之所以滋養其身者唯氣與血血為榮氣為衛榮
行脉中衛行脉外周流不息五日而復大會陰陽相貫
如環無端焉蓋血猶水也水由地中行百川皆理則無
壅決之虞血之周流於身上透泥丸下至涌泉灌溉諸

經榮養百脉內不為七情所鬱外不為四氣所傷自然
順適萬一微爽節宣則血氣逆亂榮衛失度皆於常經
或澀或散或下而忘返或逆而上行乃有吐血便利汗
痰諸證生焉夫血之妄行固由積熱所致然其證多端
難以槩而論有因飲食過飽負重傷胃而吐者有思慮
傷心并積熱而吐血衄血者有勞傷心肺又為七情所
干而咳血吐血者心主血肝藏之而脾為之統過思傷
脾亦能令人吐血治之須究其因傷胃者調胃安血勞

心者補益其心志血熱則清之氣鬱則順之脾傷則安之
病之淺惟有早灸膏肓而已至若肺生疽瘡從高墜下
一應傷折皆能吐血傷寒汗後不解鬱結經絡隨氣湧
泄吐血衄血又當從各類求之凡心主血肝藏血肺主
氣血為榮氣為衛六氣不傷七情不鬱榮衛調平則無
壅決之虞節宣失宜必致壅閼遂不得循經流注失其
常度故有妄行之患焉夫血之妄行也未有不因熱之
所發蓋血氣得熱則淖溢血氣俱熱血隨氣上乃吐衄

也大抵寸口脉微而弱氣血俱虛則吐血關上脉微而
乳為失血沉細者易治浮大者難治久吐不瘥面色黃
黑無復氣血或發寒熱或惡寒者亦難治凡吐血有三
種有內衄有肺疽有傷胃內衄者出血如鼻衄又有不
從鼻孔出是近從心肺間津液出還流入胃中或如豆
羹汁或如切鰕血凝停於胃中因即滿悶便吐或去數
斗至一石者是也肺疽者或飲酒之後毒滿悶吐之時
血從吐後出或一合半升是也傷胃者因飲食大飽之

後胃中冷則不能消化便煩悶強嘔吐使所食之物與
氣共上衝蹙因傷裂胃口吐血色鮮正赤腹絞痛白汗
出其脉緊而數者為難治也問曰病胃脇支滿妨於食
病至則先聞腥臊臭出清液先唾血四肢怠惰目昏眩
前後血病名為何何以得之對曰病名血枯此得之年
少時有所大奪血若醉入房中氣竭而肝傷故使月事
衰少不來也治以烏賊骨蔞茹二味并合丸以雀卵大如
小豆以五丸為率飯後以鮑魚汁下利腸中及傷肝也凡

吐血後體中但覺奄奄然心中不悶者輒自愈假令煩躁心中悶亂紛紛嘔吐顛倒不安醫工又與黃土湯阿膠散益加悶亂卒至不濟如此悶者當急吐之上焦有邪則傷諸臟臟傷血下入於胃胃得血則悶滿氣逆氣逆故吐血也凡醫人不明發表攻裏亂投湯劑有悞性命更大忌夏月燔炙中脘臍下關元氣海背俞三里等燔灸千百壯者全無一效使病者及受其殃虛勞之疾凡肉食熱麵辛酸之物不可食所可食者菠稜葵菜

水水清涼之物無所禁忌蓋得寒涼滑利腸胃使氣並
無壅礙燥澁經曰穀入於胃脉道乃行水入於經其血
乃化若不忍慎致令病人胃口閉澀則形軀漸瘦此乃
死之由也但諸人咯膿血衄血大小便血者可服三黃
丸黃連解毒丸涼膈散加桔梗當歸大黃芍藥犀角地
黃湯大作劑料時時呷之內經曰所謂邪熱傷於肝心
之病依此調治萬舉萬全矣人之一身不離乎氣血凡
病經多日療治不痊須當為之調血血之外證痰嘔燥

渴昏憤迷忘常喜湯水漱口不問男女老少血之一字
請加意焉用藥川芎蓬朮桃仁靈脂生地黃北大黃為
要嘔甚者多加生薑以此先利其宿瘀嗣茯苓神川
芎甘草調理之血隨氣行氣逆而上奔則血不循於經
絡而涌吐矣人之吐血出於上焦有熱固也然能用柴
胡黃芩蒲黃茅花等輩而不能用枳殼北梗青皮生薑
烏梅之類又不能用通利圓子以開其中脘導其大便
則氣如何而下降血如何而下行吾恐逆奔而上有不

可得而止之者若夫依前治法血止而後又當以人參
川芎當歸茯苓橘皮半夏甘草為之調理虛則加朮香
熱則加柴胡壅則加桑皮荊芥其人脉濇必有漱水之
證必有嘔惡痰涎之證必有兩腳厥冷之證亦必有小
腹結急之證或唾紅或鼻衄此皆滯血作熱之明驗也
用藥不止於柴胡黃芩當以川芎白芷桃仁五靈脂甘
草佐之大便秘結者於中更加大黃濃蜜使滯一通黑
物流利則熱不復作

吐血 附論

夫吐血病有三種一則緣心肺蘊熱血得熱則妄行下流入胃胃受之則滿悶氣道賁衝故令吐血二則虛勞之人必肺內傷恚怒氣逆肝不能藏血投虛而出因怒氣逆甚則嘔血三則緣酒食飽甚胃間不安或強吐之氣脉奔亂損傷心胃血隨食出此名傷胃各隨證以治之

方

當歸大黃湯

出千金方

治吐血胃中寒痛

芍藥

乾薑

茯苓

桂心

當歸

大黃

芒硝

各二兩

阿膠

甘草

人參

各二兩

麻黃

一兩

乾地黄

四兩

蝨蟲

水蛭

各八枚

大棗

二十枚

桃仁

百枚

右㕮咀以水一斗七升煮取四升分五服日三夜二

黃土湯

一名乾地黄湯出千金方

治吐血

伏龍肝

雞子大二枚

桂心

去粗皮

乾薑

炮裂

當歸

芍藥 白芷

甘草

炙

阿膠

芡實

各一兩

生乾地黄

八兩倍

細辛

半兩去苗葉

吳茱萸

二升

右以酒七升水三升合煮取三升半去滓內膠

煮取三升分三服亦治血衄一方無阿膠空心食前溫

服

救脉湯

一名人參救肺散出試效方

治吐血咳血

升麻

柴胡

人參

蒼朮

各一錢

當歸稍

熟地黄

白芍藥

黃耆

各二錢

蘇木

半兩

甘草

陳皮各半錢

右為散作一服水二盞煎至一觥去粗溫服食前

羚羊角湯出聖濟總錄

治吐血

羚羊角三兩

伏龍肝五兩 熟艾炒一兩

地榆去土

牛膝去苗酒浸焙

牡丹皮去心各二兩

芍藥剉四兩

阿

膠炒令燥一兩

栢葉炙

大薊根各三兩

鷄蘇葉握一

蟬蛸慢火炙黃五枚

右為粗散每服三錢水一盞入生薑半分拍碎同煎

至七分去粗溫服

二神湯

出朱氏
集驗方

治吐血絕妙治男子婦人吐紅之疾

蓋是久病或作急勞損其榮衛壅滯氣血遂致妄行所致若投以藕汁生地黃等涼劑治之必求其死矣每遇患者用藥甚簡

甘草

炙

乾薑

炮等分

右為末每服二錢水一中盞煎至五十七沸帶熱呷空心日午進之和其氣血榮衛自然安痊不可不知

地黄飲

出千金方

治忽吐血一兩口

乾生地黃

焙五兩

王不留行

牡丹皮

各二兩

赤

芍藥

草薢

各四兩

麥門冬

焙去心

續斷

牛

膝

切焙

阿膠

炙燥各三兩

蟾蜍

研五枚

右粗搗篩以生地黃汁三升水三升并蟾蜍同煎至

三升半去粗分溫六服空心食前不瘥更合數劑取

瘥

赤芍藥散

出聖濟總錄

治吐唾血

赤芍藥

當歸

切焙

附子

炮裂去臍皮

黃芩

去黑心

白朮

甘草

炙剉各一兩

阿膠

炙燥二兩

生乾地黃

焙乾四兩

右為末每服三錢空腹溫酒調下日三服

桑白皮散

桑根白皮

六兩

生薑屑

六兩

栢葉

鷄蘇

各四兩

小薊根

五兩

乾地黃

七兩

青竹茹

一升新者

地松

三兩

右搗散煮桑白皮飲和一方寸七日再漸漸加至二

三七以竹瀝下亦得